

626.904
7767
:2

見閣隨筆下



見聞隨筆卷之二

甲申紀西南往事序

甲申流寇犯闕我

朝大兵入正天討渙號改朔以順治紀年是勝國之亡

斷自崇禎十七年三月止矣乃江表遺臣心存故社所

在立君皆不及朞而敗固知天命有歸非人力所能競

也惟肇慶自戊子竊號逮己亥遜緬甸為時稍延中間

流離播越倚叛鎮為聲援託寇讐為心腹較之灌汜構

爭全忠凌逼其辱已甚故雖有何堵之綢繆湖湘瞿巖

見聞隨筆

卷下

一 臨海宋氏
重梓

之檣梧西粵呂李楊沐之彌縫滇蜀卒無救於敗亡焉

予以辛丑赴滇值緬甸旋師丙辰冬來五嶺往還黔楚

間弔黍離於五華拾遺鏃於交水過古泥悲爰止之無

枝臨端溪惜穴中之尚鬪往往父老猶能指其故蹟未

嘗不慨然傷之己未秋日承乏武殿試讀卷官得與宗

伯葉訥菴先生朝夕從事時宗伯方受

命總裁明史以予久於南中因以西南事實見訪予曰

甲申以後凡假前朝名號以抗我顏行者皆於令甲稱

罪人矣豈復煩載筆乎宗伯曰然宋史有之附二王於

瀛國之後徃例可循也予領之逾年宗伯索稿益力同



人阮亭侍讀宮聲大可兩太史亦咸以爲言且曰總裁已奉

俞旨福唐魯桂四王事皆附懷宗紀夫吳越八閩故多士大夫獨西南僻在荒徼爲吾子舊游地咨訪有獲而匿不以傳非以仰副

聖天子破忌諱購遺文鑒往垂訓之盛心也予義不獲辭因以退食餘暇記永明王竊號始末一篇其事在異地一篇中不能并詳者別爲雜傳十首參互而觀之十數年中敗亡之蹟與

本朝創業一統之艱難可得而概見焉然而語屬傳聞見聞隨筆

卷下

二 臨海宋氏重梓

事出追憶且一人耳目所未及固多矣聊記所知以應下問辨譌補畧仍有望專任修明之君子

永明王始末

故永明王由根明神宗皇帝之孫桂恭王常瀛次子也神宗子五長光宗次福王常洵次瑞王常浩次惠王常澗而桂王常瀛最幼與惠王同李貴妃出萬歷二十九年冬十月己卯俱受封至四十二年福王先就國洛陽熹宗天啓七年瑞惠桂三王始各就國賜子祿入不能比福藩十一而瑞國漢中惠國荊桂國衡地皆荒瘠衡在江湖之表尤爲僻遠焉崇禎十四年李自成陷洛陽

福王常洵見殺是時秦楚交訐惠王常澗走湘潭瑞王常浩走重慶十六年張獻忠陷衡州桂王常瀛由永州入粵西獻忠毀桂邸木石至長沙造偽殿王遂寄食蒼梧十七年甲申是爲

大清順治元年大兵敗逆賊李自成於山海關中原底定福王子德昌王由崧立於江南

二年乙酉

江南稱宏光元年

四月大兵下江南廣東在籍尚書

陳子壯以桂王常瀛神宗子宜立會唐王聿鍵立於福建議遂寢是年桂王常瀛薨於蒼梧遂葬焉墓曰興陵子二長安仁王由棖永明其次也

見開隨筆

卷下

三

臨海宋氏重梓

三年丙戌

福建稱隆武元年

秋七月大兵至延平執唐王粵中

總督丁魁楚巡撫瞿式耜巡按王化澄與故臣呂太器

李永茂晏日曙湯來賀童天闕朱容藩材佳鼎方以智程源等議所立時安仁王已病卒乃共推永明王桂大妃王氏曰諸君子何患於無君吾兒仁柔非撥亂才也願更擇可者魁楚等請之堅因以十月十四日稱監國於肇慶加魁楚大器爲大學士并典樞務晉式耜爲侍郎署吏部事永茂請終制化澄以下皆晉爵諭唐藩曰思文唐藩故相蘇觀生粵人也以擁護入闈功授大學士回粵督師援贛駐南安不敢進是月四日大兵破贛

州督師閣部楊廷麟萬元吉監軍御史姚奇允主事龔
棻黎遂球等俱死之觀生撤兵度嶺丁魁楚故與觀生
不和兼聞贛州敗信倉卒奉永明王走梧州已而觀生
使陳邦彥勸進因復回肇慶十一月唐王弟聿鏞浮海
至廣州蘇觀生雖勸進終忌魁楚不肯過肇慶自南韶
徑回廣州會聿鏞至遂與布政使顧元鏡總兵林察等
謀立之曰吾君之弟也卽稱帝廣州改元紹武召海上
鄭石馬徐四姓盜授總兵以與肇慶相拒肇慶亦自立
改元永歷使給事彭耀赴廣州諭觀生觀生殺之隣封
一水間二王並立遂成蠻觸之爭肇慶以林佳鼎爲兵
見聞隨筆

卷下

四

臨海宋氏
重梓

侍郎督總兵李明忠龍倫蘇聘等赴三水佳鼎故粵中
監司與林察同姓相善察使四姓盜詐降迎佳鼎佳鼎
信之舟至三山口亂作全軍俱沒佳鼎赴水死肇慶大
震復以王化澄爲兵侍郎代佳鼎督師呂大器朱容藩
俱辭入蜀化澄遂晉尚書起復李永茂爲大學士未幾
亦罷去十二月

大清巡撫佟養甲總兵李成棟由福建趨潮惠俱下之
潛師襲廣州望日唐王方視學警報至觀生叱曰潮州
公文昨夕到兵何自來耶已而騎抵東郭門守門者猶
以爲招來海上盜也呼問之比覺則城不及閉先鋒入

返據城以引外騎觀生急調兵兵舉西出猝難集頃之
僅得數百人大兵下城擊之皆散走因入執唐王觀生
自縊祭酒梁朝鍾太僕卿霍子衡等死之唐王與周益
遼等二十四王俱見殺報至肇慶瞿式耜請守峽口司
禮監王坤難之乃以朱治欄爲兩廣總督守肇慶永明
王走梧州

不數日

廣西稱承
歷元年

春正月李成棟分兵徇南韶自率

兵向肇慶朱治欄走永明王由梧州北走平樂丁魁楚
辭入岑溪縣守險王化澄走潯州李成棟至肇慶別遣
副將楊大福張月等徇高雷廉三府自以二十九日入

見聞隨筆

卷下

五

臨海宋氏
重梓

梧州廣西巡撫曹燁降二月永明王至桂林遣使湖南
慰勞督師定興侯何騰蛟等并趣其兵入衛徵四川文
安之雲南王錫袞入閣以周堪賡郭都賢劉遠生等爲
六卿丁時魁金堡等爲給事是時大兵進取湖南何騰
蛟方保境不遑內顧張獻忠遣黨孫可望等由川貴陷
滇王錫袞文安之俱道阻不至丁魁楚在岑溪爲李成
棟所誘見殺於藤江平樂亦不守桂林聞報大恐會武
岡鎮劉承允以兵至全州卽赴之瞿式耜自請保桂林
乃以式耜兼吏兵二部尚書督師畱守以焦璉爲總兵
隸麾下封舊鎮陳邦傳爲思恩侯守昭平封劉承允爲

安國公馬吉翔郭承昊嚴雲從等皆爲伯御史毛壽登言其大濫吉翔怒激承允脅王杖壽登併及劉湘容吳德藻萬六吉等從官論救不允吉翔舊廣東都司以解靖江王至閩授錦衣指揮至是因內閣乏員夤緣掌絲綸房事司票擬焉劉承允遣三千人援桂自奉永明王歸武岡以巡道嚴起恆爲大學士李成棟由平樂進攻桂林瞿式耜與焦璉悉力守禦武岡援兵以乏餉潰歸桂林垂破會廣東陳邦彥以甘竹灘余龍兵犯廣州李成棟留兵屯陽朔自率大部東回未幾張家玉陳子壯等兵俱起陷東莞高明等縣成棟往來追擊不能復西

見聞隨筆

卷下

六

臨海宋氏
重梓

桂林稍定是時噶喇昂邦焦柰藍拜與孔有德耿仲明尚可喜等三王統滿漢大兵南下何騰蛟與郝永忠等退保衡州張先璧走寶慶湖北巡撫堵允錫走永定衛忠貞營李赤心等攻荊州不克潰入歸巫兩江間馬進忠王有才等遁五溪山中武岡遠在寶慶之西倚承允以爲重承允遂專恣以長沙不守爲何騰蛟罪請解其兵柄召之入輔五月張先璧至寶慶抗疏聲承允罪何騰蛟慰解之先璧走沅州乃復命騰蛟督諸鎮兵守衡未至衡州已被郝永忠等復南走總兵張學禮等被執騰蛟退保永州湖南巡撫章曠卒于永安縣八月大兵

破寶慶劉承允拒戰敗績遂降報至武岡馬吉翔等以
承明王夜走靖州危急之中頗藉吉翔之力或謂承允
雖敗猶不忘舊至先馳密報而後解甲故得免於難焉
後以事露承允被戮於武昌承明王由通道縣入蠻境
出古泥以達柳州土司覃鳴珂與守道龍文明相攻遂
陷柳州先是鳴珂之父副將覃遇春從騰蛟於楚潰歸
入桂林陳兵索餉騰蛟式耜俱惡之比至柳龍文明承
督府檄佯與遇春飲解散其部曲執送桂林誅之承明
王至古泥子鳴珂訴寃從行者倉皇未詳其始末惟以
不知對鳴珂因率諸苗攻文明文明走遂入柳州府城

見聞隨筆

卷下

七

臨海宋氏
重梓

大掠矢及承明王舟中王南走象州時大兵已定湖南
西入黎平永州亦破郝永忠盧鼎等俱入桂林何騰蛟
與嚴起恆劉湘容隨至與畱守瞿式耜議分地給諸鎮
俾自爲守初李成棟回廣東式耜遣焦璉兵復陽朔及
平樂府陳邦傳亦由賓州復潯州合兵復梧州粵西俱
定屢請承明王回桂林十一月至桂林式耜與嚴起恆
王化澄並相騰蛟督師出全州王坤龐天壽掌司禮監
事馬吉翔內交諸閩外與陳邦傳等相結專司票擬式
耜等不能與比也

五年戊子

廣西稱承
歷二年

春二月大兵由湖南入粵西境

永忠之兵潰於興安至桂林夫掠永明王夜半走南寧
何騰蛟在永寧聞倣馳回與瞿式耜同調諸鎮兵入城
守禦滇將胡一清趙應選與焦璉等各率所部至三月
二十二日大兵至桂北門騰蛟等拒戰遂由甘棠坡還
師蓋聞金聲桓江西反信回楚以顧根本也聲桓使人
間道齎佛經置密疏其中赴南寧輸款四月朔王長子
生妃王氏出也五月何騰蛟復全州六月廣東李成棟
使亦至成棟自廣西回擊殺陳子壯張家玉等擢授提
督巡撫佟養甲爲總督成棟自負功高不欲受節制又
得金聲桓密書遂反使至永明王大喜封成棟惠國公
見聞隨筆

卷下

八

臨海宋氏
重梓

金聲桓豫國公及王德仁佟養甲杜永和等皆爲侯伯
示招徠也陳邦傳不悅因併加邦傳慶國公及其中軍
胡執恭爲武康伯以慰之李成棟請移駐廣東瞿式耜
請回桂林衆議肇慶監國之地居兩省中遂移居焉八
月至肇慶拜成棟爲翊明大將軍以其子李元允爲錦
衣指揮使掌絲綸房事袁彭年爲左都御史彭年以廣
東布政與成棟密謀者也是冬何騰蛟由全州攻永州
衡州克之與堵允錫等會於湘潭李成棟亦出兵犯贛
州先是江西廣東俱反惟贛爲高進庫所守金聲桓使
王德仁攻之不能克求助於成棟比成棟至而固山額

直譚太率大兵已抵南昌聲桓召德仁還救成棟戰亦不利退屯南康縣十一月殺佟養甲養甲爲成棟所脅反非其本意嘗密使人北上被獲使赴梧州祭陵殺之於楊沙舟中召舊輔臣何吾騶黃士俊入閣

六年己丑

肇慶稱永歷三年

大兵圍南昌久金聲桓告急使李

成棟何騰蛟堵允錫等分道援之未至南昌已被烏金王大兵南下湘潭馬進忠等敗走何騰蛟被執不屈死之二月李成棟兵亦敗于信豐渡河墜水死事聞贈何騰蛟與成棟聲桓皆王爵設壇祭之以杜永和代成棟爲兩廣總督駐廣州羅成耀守南雄忠貞營李赤心等見聞隨筆

卷下

九

臨海宋氏重梓

兵潰於茶陵由道州入粵西堵允錫以胡一清趙應選兵守衡州三月大兵至擊敗之允錫走道州衡永二府復不守四月雲南監軍楊畏知等以僞平東將軍孫可望疏至肇慶且爲請王封兵科金堡持不可孫可望自丁亥春入滇據有全省稱國至以千支紀年其黨多不服故楊畏知誘之來歸請封久不決武康伯胡執恭駐思恩密探知可望意欲得秦王遠鑄印矯册入滇封可望爲秦王而肇慶不知也六月堵允錫至肇慶使招李赤心等出楚允錫復爲畏知請七月封孫可望爲平遠王賜名朝宗劉文秀李定國艾能奇等皆爲公可望卻

不受是冬封黔鎮皮熊爲匡國公播鎮王祥爲忠國公
防滇寇也十一月堵允錫卒於潯州忠貞營之初入粵
也李元允恐爲亂請移楊大福駐封川以防之赤心等
旣西大福邀其守後兵五千人而東焚掠懷集四會間
遠近震駭元允請召大福入肇慶縊殺之亂始定陳邦
傅鎮粵西橫州徐彪鬱林梁士奕各聚兵據境邦傅不
能制聞赤心等至思借之以自強乃與盟於平南縣以
討徐彪等忠貞營遂散處賓橫境上居民苦之邦傅不
能堪幸允錫之來調出之也然赤心等殘敗之餘甫得
安土不欲復出楚允錫屢檄之不應竟以憂死十二月
見聞隨筆

卷下

十

臨海宋氏
重梓

平南王尚可喜與靖南王耿仲明子耿繼茂率兵下廣
東羅成耀自南雄遁回

七年庚寅

肇慶稱永
歷四年

聞庾關失守問備禦之策無對者

七日登舟十四日聞韶州破十七日舟發自肇慶留馬
吉翔李元允居守二十六日至梧州駐舟江干內閣黃
士俊以疾歸二月尚可喜等兵至廣州圍之調陳邦傅
高必正等東援邦傅久與李成棟父子構隙幸其敗且
怨金堡等之素善元允也奉調赴梧意在脩怨迎其意
者遂以事論堡等因杖堡及侍郎劉湘客給事丁時魁
蒙正發等遣戍之五月高必正亦至時李赤心已死必

正代掌軍政其黨張良疇田虎等一時物故必正疑邦
傳藥殺之邦傳亦憾必正等久擾其境陰使其將姚春
登連結土司以誅流賊爲名會李來亨馬騰雲等調兵
土司遂相讐殺必正怒歸罪邦傳率所部西回惟邦傳
東出屯肇慶馬寶等襲清遠敗歸李元允馬吉翔進駐
三水觀望不敢進而潮州郝尚久惠州黃應傑俱已降
廣州被圍日久無救惟進封杜永和等爲侯以慰之八
月孫可望復遣使至梧自稱秦王且以不願改號爲請
付從官集議王化澄朱天麟等以爲許之便嚴起恆文
安之郭之奇以爲不當許時兵侍郎萬朝掌樞事徐極

見聞隨筆

卷下

十一

臨海宋氏
重梓

爲兵科皆化澄同里故力主化澄議已先行矣七月颶
風盪舟求直言郭之奇言風變由滇封也議遂寢已而
籍川黔者又乞允可望請以通道西南嚴起恆難之會
內江楊鼎和至梧力言王封之非起恆悅投鼎和兵尚
書又轉劉堯珍爲兵科給事而翱極之說遂不行九月
可望由雲南東襲貴州皮熊走清浪可望使白文選追
執之奪其兵又使賀九義將兵趨遵義王祥師敗自刎
死於是張先璧馬進忠等由湖南入黔皆歸於可望勢
益強地與粵西相接矣十一月二日尚可喜等克廣州
范承恩迎降杜永和率舟師下海奔瓊州是月五日定

南王孔有德亦克桂林留守瞿式耜總督張同儼俱死
之初衡永旣破胡一清趙應選等南走粵式耜分布一
清應選與焦璉楊國棟等兵扼榕江旣而全州復破榕
江兵盡潰一清應選走柳州璉走修仁國棟走慶遠報
至梧州乘礮船夜發比曉從官跟蹤追走陳那傅在清
遠聞廣州失飛帆先歸邀劫從官於藤江殺部郎潘駿
觀童英許玉鳳等內閣王化澄吏尚書晏清等俱走北
流不得達馬吉翔李元允追及於南寧從官稍集飢凍
無人色括行橐併吉翔所獻得四千金散給之胡一清
趙應選率滇兵駐賓州

見聞隨筆

卷下

七

臨海宋氏
重梓

八年辛卯

南寧稱永
歷五年

三月使編修劉蒞赴黔封可望爲

冀王至平越不得入可望以不遂允秦封切齒已久楊
畏知請再至南寧議之可望先使賀九義張勝張明志
等將兵護衛實令求阻秦封者而甘心焉九義至盜殺
鼎和於崑崙關與嚴起恆議不合卽舟中殺之投屍於
水流三十里虎負之置岸上而去劉堯珍吳霖張載述
等俱被害霖載述本不阻秦封以霖嘗劾陳那傅載述
嘗劾朱天麟二人皆至秦封者也故并及焉於是始真
封可望爲秦王楊畏知至南寧留爲相可望召回黔殺
之九月陳那傅叛降於定南王南寧震恐將奔廣南自

瀕灘發舟距追兵止五十里趙應選胡一清以敗卒同
馬吉翔抵灘請棄舟從陸由土司安平下雷歸順歸
潮州一路進發諸蠻各供糧餉并從官夫役孫可望既
得秦封乃遣其將狄三品陳國能高文貴等來迎并致
書從官曰南寧不守當走安隆從之是時可望已由遵
義北擊余大海李占春於重慶敗之據有川東復遣王
自奇劉文秀分道取黎州及嘉定走袁韜獲武大定以
歸總督李乾德赴水死畱兵守川西

九年壬辰

安隆稱永
歷六年

春二月永明王至安隆改名安龍

府可望歲以銀八千兩米百石上供從官取給焉平西

見聞隨筆

卷下

三

臨海宋氏
重梓

王吳三桂由漢中從定西將軍墨勒根蝦統兵入四川
可望守將白文選走回雲南定南王孔有德自廣西以
七百騎出河池州向黔大軍駐柳州接應可望乃議內
犯使李定國與馮雙禮由黎平出靖州馬進忠由鎮遠
出沅州會於武岡以圖桂林步騎八萬人劉文秀與張
先肇由永寧取叙州白文選由遵義取重慶會於嘉定
以圖成都步騎五萬人疏聞安隆封定國西寧王文秀
南康王餘各加公侯從可望請也五月定國等進攻靖
沅武岡皆下之孔有德還守桂林定國由西延大埠疾
趨廣西我師遇於全州不利復敗於巖關七月四日遂

陷桂林定南王孔有德死之獲陳邦傳并其子曾禹送
貴州殺之劉文秀陷叙州白文選陷重慶吳三桂等同
兵保寧文秀由嘉定成都追至保寧大兵出擊大破之
文秀等奔還全軍俱沒可望請削其王爵俾回守雲南
九月李定國北取衡州自南寧旣敗胡一清趙應選馬
寶曹志建等尚留粵西屯聚山谷聞定國至皆相率來
歸民間亦多嘯聚以應者聲勢大振孫可望亦自至沅
州使白文選張虎攻辰州府陷之殺鎮守總兵徐勇湖
南猝不意賊至長岳一帶俱奔潰

大清敬謹親王率大兵南下十一月三日遇定國於衡
見聞隨筆

卷下

十四

臨海宋氏
重梓

州城下大戰竟日定國不能支遂敗走親王率精騎追
之去其大軍數十里過險遇伏爲交鎗所中定國得收
兵退屯武岡

十年癸巳

安隆稱永
歷七年

春李定國復回廣西定國自桂林

勝後不復稟可望約束馮雙禮與爭鹵獲益相構可望
惡之其在武岡也使人名赴沅議事將因其敗以爲罪
而殺之定國覺其意辭不行遽率殘兵五萬人走東安
全州入粵可望自率兵追之

大清兵雖失主帅固山佟圖賴等仍進兵寶慶與可望
遇於花街子可望將營軍馮雙禮軍左白文選軍右楊

武馮萬寶在可望後大兵望見可望龍旗盡力攻之殺傷相當可望忽自走入楊武軍諸營見龍旗走遂俱潰惟馮雙禮一軍不動大兵鑿衡州之事亦不追各引還以武寶之間爲界而定國得據有廣西三月與馬寶等由懷集東攻肇慶圍之廣東尚可喜率師來援城守益堅逾月不能克徹圍回廣西潮州郝尚久遙應定國亦被誅時永明王在安隆日益窮促聞定國據有廣西且與可望有隙謂內監張福祿全爲國曰秦王見待無人臣禮安危不可知得西府以兵迎庶脫於險西府謂定國也時內外多爲可望耳目者惟吳貞毓由吏侍郎入

見聞隨筆

卷下

五

臨海宋氏
重梓

內閣夙懷義憤福祿等告以意因約內翰蔣乾昌李元開給事張鐫御史李頤胡士瑞部郎徐極楊鍾趙廣禹蔡紬鄭允元周允吉朱議景朱東且任斗墟易士佳等與謀以馬吉翔與內監龐天壽素附可望恐洩其謀乃議先移天壽於外又使馬吉翔赴南寧省墓至十一月密使林青陽赴廣西召定國入衛許封晉王復使周官申諭焉情詞哀切定國受讀感激泣數行下軍中皆流涕顧念兄事可望久未敢輕舉發有劉議新者自行營出過南寧爲吉翔言其狀吉翔雖赴南寧留其弟雄飛在安隆覘動靜乍聞議新言大驚曰不蚤自爲地事發

禍且及我輩矣陰使提塘王愛秀報可望又諷議新具
疏安隆爲他日左驗可望聞之大怒使人邀林青陽周
官執之併執馬吉翔赴黔以待對理實厚待吉翔云

十一年甲午

安隆稱永
歷八年

春可望使鄭國王愛秀至安隆

言定國私通姦臣要脅封爵令使者已被執詞服乞收
付同謀以報國主國主謂可望也永明王謝曰事非內
人所敢爲假敕假寶外間多矣國等怒而出執吳貞毓
於廷械繫之復率兵入內縛張福祿全爲國而出兵侍
冷孟鉅等請曰事急矣諸臣不足惜恐併及於難奈何
永明王曰我實不知何所言鄭國等拷訊貞毓備苦毒

見聞隨筆

卷下

夫

臨海宋氏
重梓

貞毓曰我備員爲相凡事自主之上下無與者然天壽
雄飛已密探同事者姓名先報可望竟依數執之鍛鍊
成獄福祿爲國與張鑄俱極刑蔣乾昌等十四人棄市
貞毓以大臣賜自盡皆慷慨賦詩安慰永明王而死時
三月朔六日也安隆人哀之後爲祠以祀之稱十八先
生焉可望憾定國益甚顧以方將兵在外不敢輕樹敵
仍厚養其妻子於雲南定國亦防可望襲之由賓州南
掠廉雷夏五月攻陷高州府及陽春陽江恩平諸邑進
圍新會十二月將軍朱馬喇率大兵至與尚耿兩王合
擊定國敗之

十二年乙未

安隆稱永歷九年

孫可望遣兵犯常德亦敗歸永

明王在安隆塗葦薄以處日食脫粟守將承可望意更相凌逼挾彈射鳥直入其門文吏乘輿呵殿過之不復

下改稱安龍府爲安籠守臣歲造開銷銀米冊報可望稱皇帝一員月支若干皇后一口月支若干莫敢致詰

隱忍延喘息而已李定國旣解新會之圍由高州走興業復敗於橫州由賓州趨南寧與朱養恩并力自守

十三年丙申

安隆稱永歷十年

春李定國在南寧久勢不復振

將殘卒由安隆入滇可望偵知之使白文選赴安隆促永明王移黔永明王母子聞之哭從官亦哭白文選雖

見聞隨筆

卷下

七
臨海宋氏
重梓

爲可望用然心不直其所爲對此心動因以情告曰姑遲行俟西府至可無虞矣遂以輿徒不集報可望陰以畱侯定國數日定國至遂奉之由安南徭西徃雲南文選東回黔可望復使率兵邀之定國已抵曲靖時守滇者爲劉文秀王尚禮王自奇等文秀亦素怨可望聞定國至佯與王尚禮等勒兵守私以數騎馳迓定國曰我輩以秦王爲董卓尤恐卓後復有曹瞞定國爲之指天誓文秀遂與定國文選同奉永明王入雲南居可望府中賜李定國晉王冊寶封劉文秀爲蜀王白文選鞏國公王尚禮保國公王自奇夔國公餘俱爲侯伯又以定

國記室金維新爲吏部侍郎兼都御史龔銘爲兵部侍郎馬吉翔工彌縫仍以文安侯入閣辦事遣文選還黔慰諭可望可望奪白文選所部兵并其鞏國公印置營中然自以妻子在滇未敢公爲逆也

十四年丁酉

雲南稱永曆十一年

春使張虎送可望妻子赴黔以

慰安之可望旣無內顧乃舉兵反時可望所部至衆諸鎮自楚粵至者皆聚於黔從定國歸滇不過敗卒數千人文秀所將留滇兵亦少忽有此變上下皆震恐然人心多不直可望馬進忠馬惟興馬寶以同姓相密又與

白文選交密謀助定國從容爲可望言文選心膂舊人

見聞隨筆

卷下

六

臨海朱氏重梓

諸將才望無出其右者前特爲定國所脅使其心果外向必不敢復來人來而奪其兵失歸向心試重用之必能爲國盡力可望信之乃以文選爲征逆招討大將軍總統諸將前行自率大軍隨其後留馮雙禮守貴州馬進忠以病留安順定國文秀聞之亦自將至三岔相拒秋九月十四日文選抵交水距三岔二十里輕騎奔定國軍具言人心內向可一戰走也定國悅請封文選爲鞏昌王可望聞變欲回馬寶佯爲切齒曰吾乃爲賊賊所欺要當手縛之生食其肉且一人去何足重輕而以廢大事耶文選前爲賊時嘗戰傷其足醫者截他人足

以接之雖愈而跛故寶呼跛賊云可望乃止曰兩酋齊
出會城必虛因使寶與張勝武大定間道襲雲南而身
與定國等戰兵旣交馬惟興軍先走遂大敗十九日可
望奔回貴州張勝至省王尚禮謀翻城應之黔國公沐
天波覺挾與入朝以兵守之王安等拒戰於城外張勝
知有備亦馳回可望旣敗定國慮會城有失使文秀文
選東追自引兵還救根本遇張勝於渾水塘大戰竟日
擒之可望至貴州馮雙禮誅之言追兵將及可望知人
心已散遂挈妻子赴長沙經略洪承疇軍前降雙禮斷
後掩其妻子玉帛同文秀文選歸雲南論功封雙禮慶
見聞隨筆

卷下

九

臨海宋氏
重梓

陽王馬進忠漢陽王馬惟興叙國公馬寶淮國公賀九
義廣國公其黨附可望者皆降級冬十月遣使間道赴
海封鄭成功爲延平王

十五年戊戌

雲南稱永
歷十二年

春正月孫可望入京封義王二

月遣楚蜀粵三路大兵入黔李定國使其將劉正國楊
武守三坡紅關諸要險防蜀使馬進忠等駐貴州四月
二十四日劉文秀病卒夔國公王自奇永壽伯關有才
反殺總兵徐祐定國自率兵討之自奇爲亂兵所殺執
有才於永昌誅之內亂平而貴州已不守矣是月蜀兵
至三坡劉正國由水西奔回雲南晦日克遵義楚兵自

鎮遠抵黔馬進忠等亦走五月蜀兵擊敗楊武於開州
之倒流水七月粵兵抵獨山州十月三路兵俱集信郡
王奉

命自北至會於楊老堡戒期入滇李定國受黃鉞與馮
雙禮等扼雞公背圖復貴州別遣白文選將四萬人守
七星關抵生界次師示犯遵義以牽制蜀兵十二月蜀
兵出遵義由水西以列趨天生橋入烏撒白文選懼棄
七星關走回霑益泗城州土官岑繼祿導粵兵入安隆
定國使懷仁侯吳子聖禦之敗績定國由盤江回師拒
戰連敗於安隆之羅炎凉水井撒寨遂遁回十五日報
見聞隨筆

卷下

三

臨海宋氏
重梓

至永明王先走

十六年己亥

永昌稱永
歷十三年

正月三日大兵入雲南四月永

明王至永昌傳諭罪已李定國還黃鉞待罪自請削秩
不許二月白文選敗於玉龍關初文選自霑益追及定
國留之斷後大兵以二月二日出雲南十日追敗王國
勛兵於普溯十五日至大理之玉龍關文選與張光翠
陳勝等俱戰敗由沙木和走鎮康土司總兵呂三貴被
殺永昌聞之使沐天波馬吉翔等隨行走騰越李定國
伏兵潞江之高黎貢山中十八日大兵抵永昌二十一
日過潞江前驅遇伏不利適有降人以定國謀奔告吳

三桂乃分精甲先蹂其伏處而大軍由正路上殺傷相當竇名望王璽皆戰死定國不能支復遁騰越聞報乘夜走入南甸僞平陽侯孫崇雅邀劫資裝於道中二十六日抵曩本河十里卽爲緬境沐天波入諭始啟關猶勒從官盡棄所攜兵器而後放入晦日至蠻漠土官思線迎入土司城蠻漠舊爲宣撫司屬永昌府自萬歷中始爲緬有二月緬酋以四客舟來迎從官自覓舟江上得從者六百四十六人故岷王子及總兵潘世榮內監江國泰等九百餘人馬九百四十餘匹俱由陸期會於緬甸十八日至井互李定國旣敗於潞江走孟定白文見聞隨筆

卷下

三

臨海定氏
重梓

易初至饋獻頗豐後漸薄八月望日爲彼國朝會之筭
逼沐天波同行禮天波不從強而行馬吉翔李國奏
等猶以令節飲王維恭家維恭妃弟也有女妓黎維新
已老矣吉翔強之爲梨園舞維新泣下曰今何時顧猶
爲歌舞歡耶吉翔等怒而撻之蒲纓家復縱博喧呼聲
徹於內時永明王方卧病不能禁歎息而已九月緬進
新稻命分給從官之窘者吉翔多私其親故鄧凱以爲
言吉翔擊凱傷足十月禮官請造庚子歷從之

十七年庚子永明王在赭硜李定國白文選會兵攻緬
索之不得敗緬兵於瑞洋岳

見聞隨筆

卷下

三

臨海宋氏
重梓

十八年辛丑李定國與緬戰於洞怕白文選助之復敗
緬兵緬終不肯出永明王從官資用盡竭有數日不舉
火者出金寶付馬吉翔碎之分給人各數銖五月緬酋
以老遊位其弟莽猛白代立索賀禮七月復來言三載
供給之勞索報禮俱無以應是月十八日請從官過河
盟旣出以兵圍殺之勲臣沐天波武臣馬吉翔王維恭
魏豹馬雄飛王啟隆蒲纓王自京龔勲陳謙吳承爵安
朝柱任子信張拱極劉相宋宗宰劉廣銀宋國柱丁調
鼎文臣鄧士廉楊在鄔昌琦鄧居詔任國璽王祖望裴
廷諱湯生芳潘璜齊應巽郭璘張伯琦內監李國泰李

茂芳楊宗華楊強益李崇貴沈猶龍周某盧某曹某等
凡四十有二人俱被害其未亂而先病故者已亥則潘
琪齊環朱仲庚子則王名偉辛丑則瑞昌王徐鳳翥劉
盡忠與商劉二監其遇亂而自盡者故吉王及朱議濬
衛所官趙明鑑王大雅王國相吳承允朱文魁鄭文遠
李暨白凌雲尹襄吳某巖某內官陳德遠等婦女之前
後自殺者劉楊二貴人吉王松滋王妃馬吉翔四女姜
承德妻王氏王啟隆妻吳氏妾周氏王國璽吳承爵之
妻齊環之妾俱失其姓餘死者尚多惟鄧凱以病足內
監蔣進朝李猶龍李國用以老病未行得免後進朝三
兄聞隨筆

卷下

三

臨海宋氏
重梓

人亦病死止凱生還爲人述其狀如左緬殺諸人後有
馳呼而來者云勿害皇帝及黔國公蓋恐
大清索之思留以獻也而天波已先死乃復治天波所
居室移永明王眷屬二十五人入居之并進衣食八月
李定國以十六舟攻緬復爲所敗覆其五舟乃與文選
俱引還十二月朔

大清兵至白文選自木邦降緬以永明王父子獻於軍
明年四月二十五日縊於雲南六月二十七日李定國
死猛臘其子李嗣典與劉文秀子劉震俱降惟鄭成功
子鄭經在海外猶以永歷紀年然非復故明子孫矣

何騰蛟

何騰蛟字雲從其先山陰人戊貴州黎平衛登辛酉賢書起家南陽令時流寇充斥至邑輒破走之後從巡撫陳必謙擊賊於安皋斬首四百級由是知名擢武庫主事累遷淮徐兵備道平土賊程肖宇王道善張方造等衆數萬乙酉江南擢都御史巡撫湖廣當是時諸大鎮分擁重兵所在文臣結強藩交權相構鬪湖廣新經獻賊之亂寧南侯左良玉據武昌兵衆而無紀遠近畏之騰蛟慷慨赴任日晝瘁邊事利害不問也未幾晉總督闖賊旣敗潰出武關良玉畏其偏已每欲引兵東下未

見聞隨筆

卷下

三

臨海宋氏
重梓

有會值有自北來詐稱懷宗太子者江南君臣惡其惑衆收下獄遠近洵洵謂姦相馬士英欲殺之良玉乃與巡按王澍上疏以討士英爲名帥兵三十萬內向騰蛟百計阻之不聽先一日左兵大掠城中人倉皇入督署避難者數萬騰蛟以印授家人速持去自坐堂上亂兵入飛矢集几案不爲動良玉使人請曰公不行不强但一語而別騰蛟赴之旣登舟舟遂發使四裨將守之行四十里至楊邏鎮騰蛟罵曰吾封疆重任豈相從作賊耶因自投於江守者懼誅亦赴水死騰蛟順流數十里遇漁者救之得甦標將熊朝佐等及故士卒聞騰蛟在

稍稍來集家人亦持印至遂入大冶通山之間左兵東
下甫浹旬闖賊十萬衆自陝潰入楚掠漢武而東銜左
兵之尾大兵追闖者又數萬水陸踵至計自荆河至皖
城數千里間接陣格鬪紛拏散走四月良玉與黃得功
戰大敗師潰蕪湖之荻港後數日良玉死其子孟庚以
父兵降闖賊被追會大雨四十日百川漲溢賊敗所在
積尸成邱李自成僅引數騎馳入九宮山居民自梃擊
殺之五月大兵略定武漢諸城邑騰蛟自寧州間道入
瀏陽向長沙時楚人相傳騰蛟入水浮沉三晝夜不死
大竈負之登陸皆以爲神爭相向從矣先是良玉操楚
見聞隨筆

卷下

五

臨海宋氏
童梓

事騰蛟不能制乃請以知州章曠爲監軍道傅上瑞爲
長沙道與督學道堵允錫各練兵一萬至是皆以兵來
會未幾舊鎮馬進忠張先璧盧鼎等亦次第來歸軍聲
稍振七月唐王立於閩晉騰蛟尚書兼東閣大學士封
定興侯督師并以章曠堵允錫爲湖南北巡撫分駐湘
陰常德爲犄角皆從騰蛟請也騰蛟令南陽時雅與王
善故所奏陳皆報可九月降闖賊之潰將郝永忠王進
才及良玉之標將王允成等兵十餘萬堵允錫亦降李
錦高一功等十八營於松滋之草坪衆三十萬號忠貞
營明年丙戌騰蛟兵戰於岳州城下又戰於藤溪戰於

湘陰頗捷請加郝永忠恢勦左將軍張先璧恢勦右將軍餘陞授有差江楚間民兵皆結砦固守以應方謀大發兵犯武岳及江西之袁吉會闖破贛州亦不守人心搖動兵不果出十月桂王子永明王立於肇慶丁亥正月奔桂林騰蛟與武岡鎮劉承允俱以兵赴難承允遂挾王走武岡承允者崇禎時爲武岡叅將常鑄鐵棍自隨因以爲號其後南北多故乘亂截粵餉之解北者十五萬招集士馬遂雄視湖南稱重鎮挂平蠻將軍印嘗從騰蛟戰岳州一軍先走後封賞不及遂怨騰蛟至是以擁護功封武岡伯尋進侯又進安國公大兵入長沙

見聞隨筆

卷下

三

臨海宋氏
重梓

騰蛟戰不利退保衡州承允請召騰蛟入閣辦事實以解其兵柄諸鎮皆怒張先璧引兵向武岡請誅承允承允懼會騰蛟至諭解之先璧引兵掠寶慶而西屯沅州承允復喜以諸鎮請仍命騰蛟督師出衡州而衡州之師已潰惟郝永忠王進才以兵至餘皆降五月騰蛟自衡州退永州巡撫章曠駐東安疽發背卒大兵攻寶慶破之承允屢戰敗遂降永明王奔古泥大兵西破黎平盡滅騰蛟之族還攻永州郝永忠等走騰蛟獨以胡一清兵力戰城下十餘日一清曰吾外援已絕內儲復置死空城無益遂擁騰蛟決圍出比至全州郝永忠已集

湖南潰兵數萬入桂林城中大沸公馳入與留守瞿式
耜分布諸將自會城之北盡全州興安靈川駐永忠兵
城東永寧義寧駐一清及趙應選兵其他鎮兵自將留
會城一清應選俱滇人初應御史陳賡募將三千人象
十二隻至豫章隸江督萬元吉麾下及贛州陷元吉賡
俱死一清等走湖南屬騰蛟十一月永明王自象州復
回桂林戊子二月大兵破全州至興安郝永忠兵大潰
掠桂林而南王奔南寧騰蛟方按師永寧聞報急引胡
趙之兵還保桂林會江西告變大兵還駐武昌騰蛟招
集潰散得二萬人將出楚巡撫堵允錫與馬進忠等亦

見聞隨筆

卷下

七

臨海朱氏
重梓

攻下常德報至騰蛟卽出嚴關身先士卒大戰日月橋
遂復全州進攻東安破之於是舊鎮將次第自山中以
師來會圍永州二閱月克之乘勝克衡州進攻長沙十
一月堵允錫以忠貞營兵自常德趨湘潭騰蛟相見甚
喜時大鎮聚湘潭者數千家最後馬進忠亦至與忠貞
營有舊隙會江西被圍趣赴援騰蛟乃與允錫議自督
進忠及諸鎮兵圍長沙允錫率忠貞營援江西己丑正
月烏金王至湘潭進忠一清俱走騰蛟曉起營壁皆空
乃大慟曰五年督師心血嘔盡而所成竟如是天也遂
緋衣坐堂上去執見烏金王勸之降對曰王何患無

降官降將哉果以我爲血性男子何惜一劍遂不食
日且死謂寺僧曰取一粟河水飲我是水自衡來猶
君之水也滌腸胃而死瞑目矣遂遇害事聞贈中湘王
諡忠烈子文瑞奪情拜都御史監胡一清軍以病卒

見聞隨筆

卷下

三

臨海宋氏
重梓

堵允錫號牧游江南宜興人登劉同升榜進士辛巳任
長沙知府是年五月山賊蕭相宇等竊發擾安化寧鄉
數敗官兵勢甚盛允錫率鄉勇破斬之又破醴陵燕子
窩賊斬其渠草上飛李鬍子等於是中外稱知兵甲申
六月陞武昌兵巡副使九月改本省督學乙酉春巡試
湖南至常德會左闖交証以督師檄招兵萬人使偏將
楊國棟等分領之總督何騰蛟走長沙分大湖南北爲
汛允錫晉湖北巡撫駐常德先是李自成旣死其義兒
李錦等十八部屯澧州界上衆三十萬遠近震恐允錫

見聞隨筆

卷下

五

臨海宋氏
重梓

欲撫之偵知錦母高氏有智術軍事皆取決而高氏弟
天功所部三萬人爲諸軍最乃集鎮將道府議親赴其
軍錦一功以鐵騎數千來迎入營稱詔賜高氏命服賜
錦一功蟒玉及金銀器犒其軍皆踴躍叩首謝軍中命
酒免錫引卮論列教以臣忠子孝大義侃侃數千言明
日高氏出拜謂其子錦曰堵公天人也汝不可負於是
別部田見秀劉汝魁賀蘭李來亨等來謁皆如約受撫
焉事聞封高氏英淑夫人李錦左軍侯賜名赤心高一
功右軍侯賜名必正其他部爵皆通侯號忠貞營加允
錫總督侍郎賜劔并鳳紐銀印以寵之丙戌二月李高

等率兵攻荊州凡旬有二日城且陷會大霧赤心等募
食帳中忽救兵數萬至飛矢如雨軍大潰允錫急召楊
國棟張光翠等分駐澧州及回子河防禦明年三月永
明王至武岡封允錫光化伯辭不拜五月大兵下湖南
武岡破馬進忠王進才等俱走允錫亦入永保諸土司
中朱容藩由廣西入蜀聞武岡不守自稱監國招討副
元帥建行臺於夔州允錫泝三峽至夔見容藩責以大
義容藩愧悔自銷其副元帥印允錫還永定戊子春江
西金聲桓反大兵自湖南回駐武昌允錫傳檄諸鎮俱
出湖南四月馬進忠復常德王進才復桃源澧州石門

見聞隨筆

卷下

三

臨海宋氏
重梓

各城皆下忠貞營亦克荊門宜城使來告捷諸潰兵皆
會五月進忠兵戰於牛皮灘又大戰於麻河俱勝十月
忠貞營高必正等避敵南渡分道趣武陵馬進忠燒城
走初允錫自夔還如忠貞營約以騎三千赴常德助戰
竟不至馬進忠等既復常德晉封公侯因并加赤心等
爲公赤心始請取長岳自效實則以荆土殘破近敵欲
避而南也進忠惡之至是必正率輕騎數百突入常城
出不意進忠佯設酒高會陰使人具舟渡老營東去日
晡擁騎數千披甲注矢出城走焚城中廬舍及瀨江船
隻必正輩亦怒請北還允錫恐有他變姑好語撫之進

忠遂掠益陽諸縣而東忠貞營駐常德歲饑乏食復議
進取長沙乃以監軍毛壽登總兵楊國棟守常允錫自
率標兵二萬人及忠貞營東攻長沙不能克遂至湘潭
與何騰蛟會議率赤心等援江右己丑正月至攸縣南
昌已破乃分遣堵正明尹具瞻將五千人守永興陸士
毅守安仁龔龍守攸縣自率萬人及胡一清之師守衡
州三月戰於草橋兵敗走耒陽將趣永興軍而永興永
安攸三鎮兵俱先潰正明士毅等及隨師之待詔潘哲
中書舍人邵履正等皆死之允錫聞報走郴州中途遇
敵幾危者數矣當午忽大霧夜行有螢火數萬隨照之

見聞隨筆

卷下

三

臨海宋氏
重梓

以故得晝夜兼行達桂陽復爲湘鎮曹志建所困志建
鄞人封保昌伯有衆數萬屯桂陽地險而僻得免蹂躪
忠貞營過之大掠志建恚甚謂故允錫所招降也并憾
允錫因其至迎入龍虎關阻隨行將士於關外一夜盡
縛而殺之允錫幾不得脫聞粵西明經何圖復方結寨
楚粵界上使人告以難圖復率兵來迎因得走赴之間
道至賀縣圖復後竟爲志建所殺六月允錫至肇慶召
入閣三月加督師大學士兼尚書賜白鏃五十錠使調
李赤心等於藤鬱間率之出楚至梧州部下稍稍來歸
九月期赤心等不至造其營詰之赤心初敗於柳州戰

馬鎧仗盡失士卒疲困入粵未久無意北出更欲乞錫代爲請高雷二郡以休息士馬乞錫不可別部劉世俊劉國昌願出楚乞錫親出潯迎之他鎮兵遷延不至乞錫恚恨疾作自草遺疏及誄詞夜半命從者解繫敝舟潯流湍急軍士皆驚乞錫仰天嘆曰嗟乎吾荷國重任不獲免胄赴鬪馬革裹尸今斃命卧櫬死有餘恨固不若自沉於江葬魚腹中耳聞者泣下竟以十一月二十六日卒於舟中而忠貞營李赤心等或死或降究不能以有爲也

見聞隨筆

卷下

三

臨海宋氏
重梓

瞿式耜號稼軒嘗熟人文懿公景淳孫也登萬歷丙辰進士爲永豐令擢授給事中坐其師錢謙益事下詔獄事解累官僉都御史巡撫廣西江南旣破唐王立於閩廣西爲靖江封國舉兵爭立式耜密約總督丁魁楚總兵陳邦傳邀於蒼梧執之聞封魁楚平粵伯邦傳思恩伯式耜亦晉秩巡撫如故丙戌八月閩復破何騰蛟在湘南兩粵山川無恙衆議立君咸以昭穆之序宜在桂乃共奉恭王子永明王監國於肇慶式耜轉侍郎掌部事內監王坤以司禮竊國柄舊臣呂大器李永茂方以見聞隨筆

卷下

三

臨海宋氏重梓

智等咸以事引去式耜殫心持正不爲少屈焉十二月廣州破坤挾王西走丁亥正月朔至梧州魁楚辭赴岑溪縣守險從官散失隨行惟式耜一人二月至桂林時肇梧俱破大兵先驅過平樂坤請召武岡鎮劉承允入援因入楚式耜泣曰東藩已失所存惟桂林一隅若復委而去之武岡雖金城湯池何能長久臣本起此以舉事願與此地俱存亡乃以式耜爲吏兵兩部尚書總督軍務畱守廣西封焦璉爲富川伯鎮桂加陳邦傳爲侯守昭平王竟赴武岡焦璉自全州回未三日大兵亦至衝入文昌門城中大恐式耜督璉且戰且守自三月至

五月曉夜立矢石中推食解衣與士卒同甘苦故人無
憂志承允援兵在城索餉而譚式耜括庫藏不足夫人
邵氏捐簪珥以佐之旣而與焦兵至客不和竟譟而去
城幾破者數矣會陳邦彥等犯廣州大兵東回焦璉進
復陽朔及平樂府陳邦傳亦由潯復梧廣西再定式耜
之力也秋八月武岡破王回次郴州長衡並失何騰蛟
等俱至桂郝永忠盧鼎諸鎮兵雲集式耜籌畫糧糗日
不暇給十一月王自象州回桂林式耜與新輔嚴起恆
並列內閣而馬吉翔以錦衣指揮專司票擬焉何騰蛟
仍督師出全州戊子二月郝永忠之衆潰於靈川入桂

見聞隨筆

卷下

言

臨海宋氏
重梓

大掠王倉卒走南寧式耜爲亂兵傷足卧何騰蛟方犒
兵永寧聞變馳回相持痛哭招集散亡焦璉胡一清趙
應選等兵尚數千人復入城守禦是役也桂林危同累
卵非式耜忍死鎮定嶺西如破竹矣旣而大兵回楚晉
式耜少師封臨桂侯賜精忠貫日金章併銀幣以旌其
功焦璉等皆晉爵五月李成棟叛以東省來迎式耜請
畱桂不得八月由南寧至肇慶成棟與陳邦傳新舊爭
寵文臣亦互相左右水火日深式耜以擁戴舊臣身任
邊寄東西皆藉以爲重焉四方人士來歸以桂林爲稷
下未幾成棟死騰蛟被執勢益不支庚寅正月南雄破

永明王復西走陳邦傅擁兵東下金堡等被杖於梧州
式耜疏救不聽十一月五日定南王孔有德入嚴關諸
鎮兵皆潰式耜出令招撫不復聽衣冠坐署中江陵張
同厥號別山故相居正孫也以總督監胡一清軍於靈
川已南走矣中道問瞿公安在曰尚在城同厥曰安可
使畱守獨靖社稷遂回趨式耜署曰事迫矣公將奈何
式耜曰封疆之臣知有封疆耳同厥曰然君恩師義同
厥共當之遂笑畱與式耜飲家人泣請出危城號召諸
鎮再圖恢復式耜揮去不聽厥明被執見定南王式耜
以死自誓不復一言同厥大罵左右白梃擊之左臂折
見聞隨筆

卷下

三

臨海宋氏
重梓

扶出同幽於別所軍中人壯其節間遺以酒食同厥慷
慨縱飲爲詩歌題牆壁俱滿式耜間一和之間十一月
十七日遇害絕命詩云從容待死與城亡千古忠臣自
主張三百年來恩澤火頭絲猶帶滿天香二公旣死前
給事金堡已爲僧矣上書定南王請收葬許之吳江人
楊莪爲具衣冠棺斂瘞之於城北門之園事聞贈式耜
粵國公諡文忠贈同厥江陵伯諡文烈臨難詩世多有
不具載

陳子壯 張家玉

陳邦彥 兼論憲章

陳子壯號雪灘南海人萬歷己未探花授編脩天啓中
父熙昌以給諫疏魏忠賢罪廷杖謫戍子壯典浙江甲
子鄉試亦以試錄語誹謗黜父子聲重一時崇禎初累
官禮部侍郎糾唐王不法事又議宗室不宜授官忤旨
下獄遣戍乙酉江南起禮部尚書復忤馬士英罷歸江
南敗桂恭王寓梧州子壯倡議言桂王神宗子光宗弟
宜立時唐藩子德昌王先立於閩召子壯入內閣辭不
赴丙戌冬桂王子永明王監國以子壯前議卽其家拜
大學士太保兵部尚書節制江廣閩楚軍務會唐王弟
見聞隨筆

卷下

美

臨海朱氏
重梓

聿鏞至廣州未果行

張家玉號芷園東莞人崇禎癸未進士改庶常李自成
破京師家玉罵賊被縛執訊間見其少而秀拔聲巨辭
辯愛而釋之家玉懼不免佯爲文譽賊因乘間南走時
馬士英柄國方與東林構難而家玉周文忠公鳳翔門
人也惡之因羅織削籍居錢塘與副使蘇觀生等同護
唐王至閩唐王立觀生爲相家玉爲侍講尋兼兵科監
丞勝伯鄭彩軍先驅抵廣信解撫州之圍丙戌正月被
圍於新城力戰得出加僉都御史與鄭彩議不合請回
粵招募得兵數萬人聞上杭敗信兼餉盡潰歸居東莞

陳邦彥號巖野順德人乙酉以諸生走金陵上政要三十二策不見用唐王得其策讀而偉之旣立卽家授監紀推官而邦彥已登是科賢書以蘇觀生薦改兵部職方主事監狼兵至嶺贛州破勸觀生東保惠潮不聽會丁魁楚等已立永明王於肇慶觀生前與魁楚不睦撤兵回至韶使邦彥赴肇稱賀且覘動靜也王已西走梧州聞邦彥至大喜桂太妃垂簾召見改授兵科令回慰觀生召之入輔迨邦彥東歸而觀生已迎立聿鏞於廣州未幾

大清巡撫佟養甲總兵李成棟破廣州聿鏞及觀生皆

見聞隨筆

卷下

三

臨海朱氏
重梓

死會城定李成棟由肇慶西入梧州養甲居守故縉紳竄伏山谷多觀望不肯出養甲使人召家玉亦抗辭不至土人余龍等聚甘竹灘兵二萬餘東莞焦麗到濬二鄉復以被掠與官兵相攻擊殺數百人其渠何不凡莫子元等迎家玉爲主因襲東莞入之邦彥入甘竹灘說余龍乘虛攻會城養甲飛騎召成棟回揚言便道徑取甘竹余龍懼退回甘竹邦彥入高明官兵進復東莞攻到濬三日破而屠之家玉祖母陳氏母黎氏妹石寶俱赴水死妻彭氏被執不屈斷肢體而死家玉走西鄉大豪陳文豹聚兵二千人保境奉家玉進克新安邦彥寄

家玉書云成不成天也敵不敵勢也方今王師風鶴桂林累卵得牽制毋西潯平之間庶可完葺是我致力於此而收功於彼也家玉然之邦彥復遣其門人馬應房與余龍攻順德復之李成棟至順德余龍戰敗應房被執不屈赴水死四月余龍再戰於黃連江亦敗死邦彥乃棄高明收餘衆數千人別徇江門下之佟養甲得降人知前攻會城其謀出邦彥捕獲其妾何氏并子和尹虞尹於肇慶厚待之爲書以招邦彥邦彥不答判其楮尾曰妾辱之子殺之身爲死臣義不私妻子也養甲壯之仍善養其妾與二子後郡紳李星一舉人杜璜以兵見聞隨筆

卷下

三

臨海宋氏
重梓

攻肇慶始殺之璜等戰不勝亦死官軍攻西鄉不克而回家玉遣兵入東莞戰於赤岡五月復自率兵攻東莞不利退回西鄉成棟大軍至攻圍數日家玉走西鄉亦隨破陳文豹等俱見殺家玉至熾岡得姚金之陳穀子等衆三千人攻龍門縣入居之進陷博羅併連平長寧兩城勢復振攻惠州不克克歸善縣還屯博羅官軍攻之走回龍門家玉幼好擊劍任俠多結山澤之豪故所至翕然蹶而復起至是分其衆列龍虎犀象四營進攻增城入之時所在蜂起故虎賁將軍王興屯新會之文村唐王弟聿鏘暨宗室皆依之高涼有崔良檣潮陽有

賴其肖等前後聚眾攻克各州縣夏六月陳子壯起於南海之九江村李成棟方東擊家玉會城空虛故指揮楊可觀楊景暉及子壯婿前知州梁若衡等結花山降盜三千人謀陰召子壯陳邦彥亦子壯門人約以七月七日同至子壯喜甚先二日率水軍薄城諜者入郭破執事露可觀等皆死子壯兵駐五羊驛邦彥後至謂子壯曰李成棟在東聞警必急還邦彥伏禺珠州側伺其至以火舟從蘆葦中衝之公以大艦遮其西克城在此舉矣計定成棟過禺珠州勢甚盛邦彥火船少衝之頗焚其數舟成棟引而西邦彥尾之會暮夜子壯以爲皆見聞隨筆

卷下

三

臨海宋氏
重梓

敵舟也陣動成棟順風追之遂大敗子壯退回九江邦彥入三水縣據胥江與霍師連會前御史麥而炫破高明以迎子壯前湖南道黃公輔御史連城璧等亦攻下新會新寧八月清遠指揮白嘗燦殺知縣何甲迎邦彥因橫江樹柵絕嶺東餉道成棟還師擊清遠霍師連以舟師遏成棟棟縱火燒師連舟兵亂破柵而入師連戰死邦彥嘗燦與太學生朱學熙嬰城守精銳盡喪踰日城陷嘗燦死邦彥率數十人操兵戰肩受三刃不死走朱氏圍學熙已自縊堂中邦彥哭拜畢索筆題其壁曰無拳無勇何餉何兵聯絡山海喋血會城天命不佑禍

患是攫千秋而下鑿此孤貞遂被執在獄不食五日惟
慷慨賦詩或投以紙輒隨筆而滿所傳有天造兮多艱
時哉不我與我后兮何之我躬兮良苦之句九月二十
八日以磔死監視者視其肝肝忽躍起擊監者面遂驚
悸數日死十月成棟至增城馬步萬餘家玉分兵爲三
鼎足相救且倚深溪高崖以自固大戰十日力盡而敗
諸將請血戰潰圍出家玉曰矢盡礮裂欲戰無具將傷
卒死欲戰無人天明俱受縛矣丈夫立天常犯大難事
至已壞烏用徘徊不決以頸血濺敵手哉因起徧拜諸
將自投野塘中以死懷銀章一篆曰正大光明闡賜也

見聞隨筆

卷下

單

臨海宋氏
重梓

時年甫三十有三先後從家玉而死者爲師林洙從弟
有光有恆及鄧棟材韓如琰楊光遠等數十人父兆龍
弟家珍爲人藏匿得免十一月李成棟入高明子壯而
炫與前知縣朱實蓮俱被執佟養甲寘於館厚享之獄
具以犯旗示子壯曰不處公極刑則威不立遂衣以赭
袴昇之游城內外徧更集諸降紳聚觀臨刑舉酒屬諸
紳曰畏否子壯身被數十刀呼高皇帝烈皇帝不絕口
與而炫等同曰死於市子上圖亦被獲家僮伯卿請寸
斬以贖玉人之孤得免死戊子春與家玉弟家珍邦彥
子恭尹俱蔭錦衣官子壯贈番禺侯諡文忠家玉贈增

城侯諡文烈父兆龍封如家玉爵邦彥贈兵部左侍郎

見聞隨筆

卷下

望

重梓
臨海宋氏

李元允

李元允榆林人本姓賈爲李成棟養子因冒其姓成棟少時從高傑爲羣盜以勇決聞及傑封興平伯成棟挂鎮徐將軍印守徐州傑爲許定國所殺成棟以徐州降會故趙王由棧與黃蜚起太湖成棟擒蜚走趙王授松江總兵從定八閩由漳州與巡撫佟養甲入惠潮潛兵薄會城奪門而入執唐王聿鏘殺之時丙戌十二月望日也明年正月成棟分兵取南韶親攻肇慶克之遣裨將楊文甫張月取高雷廉三府閩可義渡海取瓊州自率兵向廣西二十九日下梧州二月遣杜永和誘丁魁

見聞隨筆

卷下

聖

臨海宋氏
重梓

楚於岑溪殺之盡擄其資以還進攻平樂先驅及桂林會粵東兵起會城被圍佟養甲遣人告急成棟遂東回往返攻擊自春徂秋始獲定而西省之平梧以及海北高雷廉等城俱復失屢被責問明年戊子春江西金聲桓王德仁反密書約成棟時佟養甲已授兩廣總督成棟雖晉秩例當受節制自恃功高恥爲之下王德仁圍贛州急養甲趣成棟赴援成棟與署布政袁彭年等密議於三層樓旣定語養甲曰今出城數十步皆賊安能遠行計惟急改名號以安人心耳養甲愕然莫可如何成棟遂叛遣使赴南寧一時喜出望外封成棟爲惠國

公晉養甲尚書襄平伯養甲懼禍及盡以所部授成棟
六月成棟使其將羅成耀以黃金一千白金十萬及綵
紵舟楫迎永明王於南寧王至肇慶拜成棟翊明大將
軍以其子元允爲錦衣都指揮掌絲綸房事擢袁彭年
爲左都御史先是廣東都司馬吉翔爲錦衣從永明王
入武岡因內閣員缺得與票擬圖富貴者爭趨之其在
南寧陳邦傳駐兵潯江上下倚以爲重因以其子陳會
禹爲錦衣比吉翔而邦傳亦以復欽廉功封思恩侯至
是成棟封公邦傳意不滿乃亦晉邦傳慶國公并封其
中軍胡執恭爲武康伯成棟聞之亦爲其下杜永和閣
見聞隨筆

卷下

壘

臨海宋氏
重梓

可義郝尚久羅成耀黃應杰楊大福張道瀛等七人請
封皆得伯爵而元允亦錦衣侍衛比陳會禹焉元允修
整大雅喜與士大夫交袁彭年又素負時望掌臺綱於
是劉湘客丁時魁金堡蒙正發等皆與之善持論侃侃
專以尊主權別流品斥倖授爲事遠近望而畏之冬十
月成棟攻贛州時大兵已至南昌金聲桓召王德仁還
救贛州守禦已固成棟至戰敗退壁南康縣十一月獲
佟養甲間使以聞殺之己丑正月南昌破聲桓德仁俱
死二月成棟兵敗於信豐自斷後披甲渡河馬蹶沉水
死贈寧夏王諡武烈五月以杜永和爲總督守廣州閩

可義守南韶未幾死以羅成耀代之加元允車騎將軍
封南陽伯領兵宿衛六月楊大福爲亂於梧州元允召
至縊殺之庚寅正月朔平南王尚可喜嗣靖南王耿繼
茂兵至南雄羅成耀自韶州潰歸永明王西走梧州留
元允與馬吉翔等守肇慶羅成耀走高州將爲亂元允
復以計殺之人情恃以少安初成棟父子方竊陳邦傳
居西屢爲金堡等所排積怨刺骨會其下徐彪亦叛之
忠貞營李赤心等又自湖南潰入粵散處賓橫之間邦
傳不能制威望日損東事急召之赴援非其意也顧欲
藉以洩前忿將至梧羣情洶洶適西撫缺衆議推劉湘
見聞隨筆

卷下

四

臨海宋氏
重梓

客兵侍郎程源論其比黨堡等四人皆杖戍惟袁彭年
先以憂去得免焉邦傳抵三水觀望不敢進大兵薄會
城杜永和等與元允弟李建捷力戰禦之永和等進爲
侯建捷封安肅伯廣州城三面臨水成棟在時復命築
兩翼傅於江外爲礮臺水繞之地險守固攻圍十閱月
不能破偏將范承恩謀內應決礮臺之水大兵藉薪徑
渡遂得礮臺返以內攻十二月二日城破屠之承恩降
永和等由海道奔瓊州元允弟建捷奪圍至肇慶陳邦
傳等俱潰於三水隨聞桂林亦破梧州君臣夜走邦傳
遣兵邀劫各官于藤江明年春元允在肇慶其下多謀

爲癡者乃與弟建捷俱奔南寧伏地痛哭哀動左右會
孫可望遣賀九義殺內閣嚴起恒等元允忿甚請出靈
山收高雷兵迎至入海至欽州之防城爲土兵王勝堂
所執送靖南王耿繼茂好諭之不屈左右挺下元允笑
曰鼎鑊不懼何有於桎又令作書招永和元允笑曰杜
將軍繕兵窮海差有丈夫氣乃招之耶繼茂義之使其
故人往說之曰君昔未受國恩耶元允大慟曰某昔不
過帥府養子今爵通侯司禁旅狼狽被擒計惟一死報
國豫讓不言之在前乎吾父俟於九泉久矣故人曰成
棟果君父耶元允曰岐陽黔寧俱以養子自奮子母多
見聞隨筆

卷下

墨

臨海宋氏
重梓

言遂與弟建捷及前鋒將李用朝俱被害投尸海中明
年瓊州破杜永和等俱降

李乾德 楊展

李乾德字雨然蜀南充人崇禎辛未進士歷官湖南巡撫禦張獻忠於長沙敗之後力不支退屯黔之婺川以圖興復會袁韜武大定自順慶敗而南乾德承制撫之袁韜獻忠部下賊也有罪當斬率所部數百人走後聚衆益多號姚黃十三家所過焚殺與獻賊等先爲督師王應熊所招請授副將守順慶武大定亦渠賊小紅娘之別部先降於總督孫傳庭傳庭敗死大定聚衆南山中戰敗走興安踰廣元與袁韜合衆數萬人謀弑秦而西官兵擊敗之喪失婦女輜重幾盡收餘衆萬餘棄順

見聞隨筆

卷下

吳

臨海宋氏
重梓

慶而東過涪入山由武彭以趨婺川歸於乾德初會英戰涇守涪者爲英部下涇陽李占春項城余大海聞袁韜兵由順慶南下占春等避之東走夔州會朱容藩自肇慶入蜀取道施州衛湖江西上說占春大海將其衆復回時大兵追袁韜等陸行新鎮盧光祖以舟師泊湖灘所將皆曾英舊卒不意占春等猝至戰不利大兵以全蜀殘破亦北還順慶占春乘勝復至涪結營忠州之平西壩號萬姓營大海屯州之花陵河李乾德旣得袁韜武大定兵亦獎率之返鬪入佛圖關據重慶韜自恃兵強欲踞諸軍上占春宿將恥爲之下因謀夜襲韜軍

取乾德去乾德素善占驗夜觀星象與韜言宜有急兵是夜占春果襲之有備不能克乾德已徙他舟止獲其家口次日復還之乾德雖書生然負宿望故諸鎮爭得之以爲重時已進爵至太師一時咸稱李太師云武岡之變相傳永明王已被執朱容藩在夔自以宗室冒稱楚世子監國招討副元帥諸將皆賀乾德爲之不平未幾舊相呂大器自黔入蜀過占春營具言王無恙容藩乘機僭竊不宜輒受其爵號占春信之亦不復事容藩乾德遂傳檄聲容藩罪容藩益窘乃北依三譚以兵攻石柱司占春救之容藩敗走爲追兵所殺呂大器遍歷見聞隨筆

卷下

墨

臨海宋氏
重梓

諸鎮太息謂乾德曰楊展志大而疎袁武忍而好殺王祥尤庸懦不足仗蜀事其尚可爲乎回黔至獨山州發背卒乾德及袁武等旣與占春構隙且重慶殘破乏食乃使人說楊展與合兵

楊展蜀嘉定人崇禎甲戌武進士官廣元守備隨巡撫龍文光入成都補川鎮中軍張獻忠破成都展被執迸脫其縛入江中泅水而下至嘉定獻忠定蜀陞嘉定爲府旣而曾英等兵起展亦乘間入犍爲殺僞令以起事州人開門納之展遂據嘉定逮獻忠誅餘賊散走時蜀地俱殘歲復饑大兵北還嘉定近省而險展頗善於撫

衆遣民及賊之潰散者相率歸展先是獻忠之去成都也輦金銀沉諸江展使壯士乘巨筏探求之數月獲大鏹以鉅萬計民間饑饉癘疫相仍斗米價至三十金餓莩載道或父子相烹食展乃遣使百餘輩赴黔楚告糴前後入米數十萬石自鄉先生以下及弟子員具贍資與朝夕居處農民給牛種口米使擇田而耕壯而願戎事者補伍月予銀米使操兵戰百工雜流各以其藝就食孤貧無告者廩之於是巴蜀子遺賴以全活者甚衆是年秋大獲展遂雄視全川人走四方者述展慈愛莫不流涕戊子封華陽伯未幾晉錦江侯旌之也展與

見聞隨筆

卷下

哭

臨海宋氏
重梓

乾德俱蜀人又樂有袁武之助因大喜約爲兄弟居之犍爲供億資裝日相望於道久之展復與占春通問而袁武請丐無已展不能悉應遂有隙乾德屢諷展經營川北展不能聽乾德亦薄展終不可與有爲而謂袁武輩驍勇足資也遂謀欲殺展而并其衆適袁韜生辰展具舟親以牛酒貲幣致祝并犒其師韜治酒高會展以甲士五百人長刀自衛入夜犒從者酒五百人皆醉卽坐上擒展囚之別室尋殺之因發兵圍嘉定諸將奉展妻及子景新誓死以守久之城中飢人漸有異志王祥曹勛李占春等發兵救嘉定者皆敗去於是內應者以

城降夫人自縊景新北走而展士馬財賦盡歸於韜與
大定矣衆論俱不直乾德宜賓樊二衛貽書諒讓之王
亦切責乾德問展死狀他鎮舉上書請會師致討會粵
東湖南喪師而止庚寅孫可望據黔將圖蜀乃爲展訟
寃聲乾德及袁武等罪遣其將王自奇等將兵三萬由
川南進別遣劉文秀精甲萬人由滇渡金沙江踰大小
象嶺過大渡河出黎州取曹勛以襲其後而袁武不知
也方悉力拒王自奇於川南月餘文秀由黎雅趨嘉定
袁武撤師還救六戰六勝王自奇自後掩擊之遂大敗
韜遜大定就擒李乾德全家自沈於水死之

見聞隨筆

卷下

兕

臨海宋氏
重梓

王祥 皮熊

王祥綦江人崇禎末爲九圍子監官素號勇悍張獻忠陷四川惟遵義一府未附大學士王應熊回自京師縞素誓師卽遵義置幕府滇人馬乾行巡撫事與監司劉鱗長王芝瑞等傳檄討賊邑紳刁化神以鬼術募兵甚夥應熊使涪將曾英襲取之遂收復重慶祥亦出師綦江與相犄角祥威望不及英而幕府委任過之丙戌十一月旣望大兵至西充誅獻忠孫可望等南奔過重慶擊曾英殺之是月抵綦江明年正月由遵義入黔祥等走永寧山中大兵下蜀巡撫馬乾於內江被難芝瑞鱗

見聞隨筆

卷下

辛

臨海宋氏
重梓

長皆從間道歸應熊卒於畢節衛祥於永寧赤水間招集潰兵與賊之敗亡者聚至數萬人復入據遵義并有各屬邑與重屬之綦江內川遵義故播州地饒沃而深阻蜀紳士避亂者多歸之戶口充實祥以是獨雄於諸鎮中以御史錢邦芑言封平寇伯平寇前曾英封號也祥得之一時以爲榮英舊將李占春等勿服也適袁韜與占春爭長相攻祥惡占春之強思與韜合誘占春計事伏兵執之占春殺守者逃歸以是諸鎮不和日尋干戈公鬪怯而私鬪勇不足與有爲也後祥又與黔鎮皮

皮熊初名羅聯芳江西人守貴州以巡撫范鏞薦授總兵孫可望由遵義趨黔破熊兵於烏江熊走平溪可望入滇熊入平越收兵復黔破土賊藍二等以功封定番伯遵義饑王祥赴黔告糴熊以爲誦已虛實也阻之部下因而截奪其貲祥怒舉兵圍黔省三日兵敗而還熊因陳祥越境相侵之罪請約諸鎮會討諸鎮久垂涎遵義各率兵攻祥大小十餘戰不能克而去惟黔兵連勝深入相持月餘黔兵乏食熊子文英爲兵主不能撫循其下氣益衰戰敗文英引軍走祥悉銳乘之黔兵大潰爭渡濁烏江死者三萬餘人祥亦上疏自理復使和

見聞隨筆

卷下

五

臨海宋氏
重梓

解之會盟於烏江罷兵修好於是思南銅仁湄潭各郡邑皆歸於祥蜀縉紳程源梁應奇辜延泰等先後赴肇慶皆言祥威武可大用乃封祥忠國公熊亦封匡國公蓋並藉爲西藩障滇寇也已丑冬孫可望由滇赴黔皮熊不能禦走清浪可望使白文選追執之釋不殺復使與祥約盟或曰可望以好會來當許之不聽可望怒使文選將二千人赴永寧守將侯天錫迎文選詐以危言報祥曰滇兵二十萬已渡烏江期會師夾擊矣祥懼名諸將與謀將軍李定者最驍勇衆服之定曰二三年來日操刀同室雖捷亦恥今發兵拒可望勝則規西南不

楊畏知

楊畏知字介甫陝寶雞人舉鄉試第一庚辰以保舉特用歷官雲南副使分巡金滄道乙酉秋武定土司吾必奎作亂連陷祿豐廣通等縣進攻楚雄府破之畏知監軍復楚雄郡人請留畏知彈壓遂由大理移駐焉時阿迷土司沙定洲奉調會勦至省而必奎已擒定洲以十二月朔日入黔國府爲亂巡撫吳兆元不能討且許爲請代鎮沐天波走楚雄畏知納之定洲率衆西追畏知與天波計曰郡城新破瘡痍未復賊以方張之銳來攻必見陷同死無益公不如走永昌據重江之險比賊越

見聞隨筆

卷下

垂

臨海宋氏
重梓

楚而西躊躇於大理蒙化間需數月而後定吾守禦旣備傳檄四出賊欲趨永則恐吾斷其歸路欲返攻則公隨之首尾夾擊撲滅可期也天波遂走永明年春定洲至城下門已閉畏知從城上語之曰若所急黔國公耳今已西矣待若定永昌回此時朝命已下當以鎮道禮相見今順逆未分吾不能爲不義屈也且若不憂迺西諸司受黔國檄而合從見討乎定洲恐失天波遂與畏知盟而去分遣其黨王朔李日芳等攻大理蒙化屠之畏知乘間撤郭外居民盡入城清四野築隍啤檄調漢土官兵姚景各郡俱響應定洲聞之不敢至永昌而回

攻楚雄畏知守具旣集屢攻不能下一日畏知坐城樓
賊發巨礮擊樓烟焰所指正罩畏知賊相慶謂必死須
臾烟散則畏知端坐無恙惟進賢冠失左翅耳因驚嘆
以爲有神助畏知視賊懈輒出奇兵奮擊所殺傷甚夥
至夏始引去先是定洲變起倉卒諸土司以撫軍故觀
望未敢動及聞畏知倡義於是寧州祿永命石屏龍在
田嶧峨王克猷等皆聚衆不與通定洲恐阿迷有失東
還攻石屏在田走破寧州殺永命至嶧峨克猷等逃死
於路迤東旣定乃復還攻楚雄分兵七十二營每七營
各爲一大營統之環城濬濠爲久困計畏知守禦益堅

見聞隨筆

卷下

番

臨海宋氏
重梓

逾年不能拔丁亥春孫可望至雲南定洲解圍還戰大
敗遯歸阿迷可望入會城巡撫御史羅國瓚宗室朱壽
琳死之唐王在閩聞畏知拒賊事先已晉都御史督滇
師可望等亦聞其名旣入滇分遣李定國東追定洲而
已與劉文秀俱西出畏知率兵至祿豐之啟明橋拒戰
不勝赴水淺不死踣而罵可望下馬慰之曰聞公名久
矣吾來爲雲南討賊公能共事當相與扶明室非有他
也畏知瞪目視之曰賊給我耳可望曰不信當與折矢
誓畏知曰果爾當從吾三事一不得仍用僞西年號二
不得殺吾民三不得焚廬舍掠婦女可望皆許諾乃與

同回楚雄西畧大理各郡使劉文秀至永昌以天波歸
迤西八府皆得免屠戮爲畏知也旣回省臨安任僎倡
議尊可望爲國主此時間已破西粵亦被兵音問阻絕
乃以干支紀年鑄興朝通寶錢畏知憤甚顧念已同之
徒死無益惟日稱道忠義以動其下有所忤輒鼓掌謾
罵賊怒多欲殺之有知之者以爲此忠臣也李定國劉
文秀尤愛之可望與劉李輩皆儕伍一旦自尊大苦無
以相服每事多扞格因時憶畏知言且聞肇慶已有君
李錦李成棟等皆受爵號私計倘假我王封可以制同
類惟吾所欲爲矣畏知又朝夕述前約己丑始定議遣

見聞隨筆

卷下

妻

臨海宋氏
重梓

畏知同永昌龔彛赴肇慶過黔爲皮熊所阻久之始得
假道至粵進可望表請王封兵科金堡首言本朝異姓
止有贈王三百年定制不宜壞自今日衆皆以爲然畏
知曰不與無益彼固已自王也一旦隆號公侯而能欣
然受命者此純臣之節寧可望於若輩若因其嚮義破
格明恩猶幸收用於萬一且法有因革今時異勢殊土
宇非故猶必執舊法耶議數月不決臨發乃賜一字親
王章而無封號畏知西過梧遇堵允錫曰可望業自王
雲南今賜之印而無國名猶厪之也激猛虎而使噬人
奈何允錫然之爲補牘入始封可望爲定遼王加畏知

尚書龔彛侍郎而行武康伯胡執恭者故陳邦傅中軍
駐防泗州地與滇近聞可望欲求封先使人以書通
約許封爲秦王可望悅執恭卽具疏報聞且謂機不容
遲臣已便宜鑄印填空敕齎行矣執恭至滇可望郊迎
甚恭所部額手交賀比畏知回而始知其詐深恥之曰
爲帝爲王我所自致何藉於彼而屑屑更易爲人笑與
仍厚待執恭屏畏知所齎篆不用也庚寅春粵東告警
自肇慶遷於梧可望使至因復議滇封內閣嚴起恒持
不可兵侍郎楊鼎和助之且以爲不臣其人則不受其
貢并所進白金玉帶等物俱卻之可望怨益深秋九月

見聞隨筆

卷下

癸

臨海宋氏
重梓

自率兵至黔去粵益近十一月東西兩會城並失烽火
逼南寧西竄無地更使劉蒞封可望爲翼王可望仍不
受畏知曰秦翼等耳顧假何如真可望終不聽畏知私
忿勢迫矣至憂臣辱吾無所逃罪李定國等亦臧勸可
望趣畏知行以始終之畏知行未至可望先遣賀九義
張勝張明志將兵赴南寧求阻秦封者而甘心焉鼎和
起恆等俱被殺南寧鼎沸始真封可望爲秦王畏知至
痛哭自劾語多侵可望遂留南寧可望聞之益怒使人
挾之回黔畏知見可望大罵曰賊終不可與爲善我乃
爲賊所誤負不義名於天下死有餘責除頭上幘擊其

面可望怒命殺之畏知爲人忠義激烈每陳說順逆輒傾其座人在可望軍中久亦諒其無他雖出一時之怒猶意左右必有救者然賊令嚴每怒咸屏惕莫敢出聲久之乃自令勿殺則已無及矣平時戮人地距營門可十里許計時尚未至顧畏知行數步輒坐不去曰此卽吾死處何行爲故途未半而被害可望深悔之復杖其左右之不言并行刑者畏知雖死而李定國卒奉永明王至滇闕二年始亡國人以爲猶畏知所啟云畏知贈少保諡文烈楚雄人至今祠祀之

見聞隨筆

卷下

七

臨海宋氏
重梓

史册錄文感發誠人至今...
王至滇闕二年始亡國人以爲猶畏知所啟云畏知贈
少保諡文烈楚雄人至今祠祀之
吾死處何行爲故途未半而被害可望深悔之復杖其
左右之不言并行刑者畏知雖死而李定國卒奉永明
王至滇闕二年始亡國人以爲猶畏知所啟云畏知贈
少保諡文烈楚雄人至今祠祀之

沐天波

沐天波黔寧昭靖王英十一世孫也崇禎三年父啓元卒天波襲封黔國公挂征南將軍印代鎮雲南末年蜀亂叅將李天贄守武定贄貪墨數以事侵土司吾必奎必奎遂反調各土司兵征之沙定洲者安南司沙源之子娶阿迷普名聲妻萬氏兼有兩家之衆素懷不軌乙酉十一月奉調至省必奎已先誅定洲留省不去都司阮韻嘉叅將袁士宏張國用等皆與之私黔國鎮滇久家饒裕滇人于錫朋饒希之游天波門下多所逋負被譴每見定洲輒誇沐氏金寶以動其心遂以臘月朔入

見聞隨筆

卷下

庚

臨海宋氏
重梓

天波第蜂擁焚掠天波從小竇出走西城母陳氏妻焦氏走城北普吉村曰吾輩命婦不可爲賊污全家舉火自焚死寧州土知州祿永命亦奉調在省方率兵與定洲巷戰阮韻嘉等謁巡撫吳兆元請發檄止兵撫定焉天波望救不得由楚雄西奔永昌定洲追之至下關楊畏知據楚雄傳檄討賊定洲乃回前者流寇初起石屏土官龍在田與副將許秉淳皆奉命援楚隸總理熊文燦麾下張獻忠在穀城孫可望等趨幕府與龍許相識逮獻忠敗可望等走黔龍許在石屏爲定洲所攻亦西走使人問道赴黔迎可望告以滇亂曰假大義來討全

省可定也可望等乃詐稱黔國夫人弟焦侯請兵復仇
滇人受沐世恩憐天波無罪見攻聞之唯恐其兵來不
速也及至始知爲可望等殊失望監軍楊異知禦之兵
敗被執復說以反正乃稱爲黔國復仇如初且以書告
天波波使其子忠顯報之可望使劉文秀同至永昌以
天波回省明年李定國至阿迷執定洲萬氏歸磔之天
波具衣冠謝復家世之仇可望等以勛舊禮待之不復
假以事任也丁酉李定國自兩廣敗歸過安隆奉永明
王至雲南天波以世臣受寄心管其冬孫可望內犯使
其將張勝問道襲會城時李定國等俱出禦唯王尚書
見聞隨筆

卷下

堯
臨海宋氏
重梓

在城與勝通謀爲內應天波覺之誘之同入朝以護衛
兵守之天波素善流星鎗經亂每攜袖中是日恐左右
有變出鎗舞縱橫擲擊觀者皆披靡尚書俯首歎曰吾
已爲檻中虎不復煩公攘臂也旣而定國等破走可望
擒張勝凱旋論功白文選馬惟興馬寶等皆進爵次及
天波天波辭曰吾世受國恩常慮無以報寧敢望新秩
乎蓋久知國勢已去自分以身殉使其子分贖各土司
曰庶存先人祀於萬一先是沙酋之變陳焦兩夫人俱
自焚惟侍女夏氏歸其母家得免兩經變亂義不辱制
髮爲尼比天波回念其節遂使掌家政亦不復娶已亥

春大兵至滇天波并棄夏氏獨身從入緬夏氏自縊兵亂死者相撐拄爲鴉犬所餐血肉狼籍而夏氏尸棄十餘日無敢近者事平得收葬咸以爲節義感云天波旣行以二月二十六日抵曩本河緬人守關使天波先入宣諭緬兵聞黔國來猶下馬羅拜蓋其世德入人久矣晦日至蠻漠天波與國舅王維恭典璽監李崇貴謀曰至入緬我輩宜奉少主進茶山可調度諸營卽在內亦藉以爲重使緬人有所憚維恭入言之王妃不可遂止三月二日緬酋以四舟來從行文武別走陸道者九百餘馬稱是於是從行者愈少十八日至并互二十四日

見聞隨筆

卷下

卒

臨海宋氏
重梓

緬使人傳語述萬歷時事併出神宗璽書合今篆差一分以爲僞天波出已印比之無差乃服蓋緬自萬歷時已絕職貢搆兵故也居并互月餘天波與蒲纓王啟隆集樹下議緬待我情日薄後事未可知不若及今走戶臘二撤出孟養以圖生計爲馬吉翔所阻計復不行及白文選等兵至亦爲吉翔差官所卻五月至赭徑誅茅以居八月緬酋使人請天波入見蓋蠻俗以八月十五日爲歲節屬國皆來朝欲天波至以誇示外蠻也天波不肯行強遣之旣回慟哭告從官曰前在并互不聽吾言以至有今日之辱我不屈身則至已在虎穴何以保

全嗚呼誰使我至此耶明年庚子秋七月緬又來請天
波辭緬使曰此行不似前當以客禮見至則果如所言
乃因定國等兵又至而僞爲恭敬耳辛丑五月莽會弟
莽猛白代立索賀禮七月使人誘從行者過河議事及
至以二十人執一人無得脫者惟天波出袖中鎚擊殺
十餘人而死是時同死者馬吉翔而下四十有二人而
其先以病卒與婦女驚竄自縊者不計從行之文武盡
矣天波三子其二先病卒獨忠顯在石屏隨其婦翁龍
世榮出降居雲南無恙是年四月有梅道人者與張琦
尹士鑣等謀逆僞爲忠顯書致寧州祿昌賢事發琦等
見聞隨筆

卷下

空

臨海宋氏
重梓

伏誅詞連忠顯謂其妻龍氏曰吾且履不測汝姪已四
月脫生子可無絕先人後乃令內官滕九德僕白君愛
引之去詐言進香東嶽祠遂浮舟至昆陽州忠顯逮入
京卽以使婢夏蓮爲龍氏真龍氏乃在昆陽居六日復
走匿新興滕飛熊飛蛟兄弟家八月產一男名爲神保
康熙四年三月新興土酋王耀祖等謀逆聞神保在作
檄移諸蠻以衣幣迎龍氏母子入山期事成立以爲主
數日戰不利遷之法冲白乃家又令白君愛別藏神保
於滕氏俱爲平西王吳三桂捕獲解京忠顯先在京尚
無恙至是併逮訊焉嗚呼國恩甚寬沐氏竟不獲保其

李定國

李定國延安人與孫可望劉文秀艾能奇俱少從張獻忠爲賊獻忠兒畜之因冒張氏獻忠僭號於蜀置平東撫南安西定北四將軍而定國以安西爲號獻忠死可望等至重慶殺曾英南走綦江衆無主欲散始相與尊可望受約束丁亥正月陷貴州三月入雲南定國可望分兵畧定迤東西回省在籍御史任僕倡議稱可望爲國主設六卿鑄興朝通寶錢以千支紀年可望欣然欲帝制自爲矣定國心非之每事相齟齬可望怒因他事執定國於滇武場杖之百旣服起持定國而哭曰吾以

見聞隨筆

卷下

三

臨海宋正
重梓

大義辱吾弟願弟改心與共濟大業勿相戕也定國再拜謝請自擒沙定洲以贖罪由是憾可望已丑朔執恭自思恩入滇矯封可望爲秦王可望始奉明朝已而知秦封非真歸怨執政使賀九義賊殺嚴起恆等于南寧迎永明王置之安隆所以兵守之凌偪百端無復人臣禮相傳其疏詞云人或謂臣欲挾天子令諸侯不知彼時尚有諸侯諸侯亦尚知有天子今天子已不能自令臣更挾天子之令以令於何地令於何人其恣肆無君類如此庚寅定國受封爲西寧王東攻靖州武岡皆克之遂陷廣西殺孔有德執陳邦傅等北取永州衡州楚

粵之間歸附者日衆不復受可望約束可望益怒自至
沅州使人邀與計事將殺之定國率兵回廣西永明王
使密使封定國爲晉王召之入衛定國感激誓以身報
可望聞之殺安隆與謀者吳貞毓等一十八人定國愈
憾可望丙申十二月定國敗於新會馳回安隆奉永明
王入滇劉文秀納之明年秋孫可望自黔舉兵內向其
下白文選馬寶馬惟興皆叛之歸定國可望遂敗走長
沙歸誠於是定國與蜀王文秀並居雲南而事權專歸
定國定國於四將軍中與艾能奇尤以勇猛稱而能奇
先死楚粵之役定國連陷十數城害兩王子其黨益嚴
見聞隨筆

卷下

裔

臨海宋氏
重梓

憚定國定國性伉直與人無私回滇矯可望之失事永
明王盡禮進奉極豐不以威峻士類人以此多之然計
慮籌畫不能及可望旣柄國記室金維新者滇人也官
少宰爲定國所信任羣小爭趨之舊人失職多怨望於
是王自奇等俱叛誅戮頻行勢亦漸衰矣戊戌劉文秀
亦死

大清兵三路入雲南定國拒戰於安隆之涼水井等處
敗歸遂西走永昌永明王入緬甸定國伏兵於磨盤山
原名昌黎貢山大戰竟日爲有洩其謀者大兵有備不
能勝走至銅壁關結營招集散失士馬使高允臣先行

馳報王爲緬人所殺不得達定國率衆駐孟定土府聞
白文選在木邦移兵南嶼與之會先是定國敗於安隆
文選在七星關亦潰歸留大理之玉龍關斷後追兵至
文選自沙木和出右甸鎮康不與磨盤山之戰定國見
之頗以相尤文選不悅及議所向定國曰我兵入緬緬
人苦供饋必相拒於境擊之禍結恐釀不測不如擇近
邊險要地暫息士馬益招集散亡兩人相爲犄角緬外
憚吾兩人在內者可無恐且得覘雲南動靜結連諸土
司爲後圖文選曰兩人俱在外則在內者危不如我入
緬護衛在外事王自任之文選竟率所部由錫泊磨整
見聞隨筆

卷下

奎

臨海宋氏
重梓

入緬定國知文選不與同心亦移屯猛緬數月兵稍集
元江土司那崙與降將朱養恩許明臣高應鳳等謀應
之事露吳三桂率師圍元江定國方與孟良構兵不能
救那崙等俱誅死賀九義自南寧間道奔至孟良妻子
在雲南三桂使其妻作血書付家人李啟雲至孟良招
九義九義受之不以告定國定國勢已敗見其黨多出
降益懷猜忌金維新等皆杖死有以九義事告者因伏
甲召九義飲執而杖殺之散其兵兵皆怨裨將何起龍
率之走至蔓谷河入滇降白文選抵雍會江使人諭緬
皆被殺因渡江擊之大敗緬衆緬使人僞約許移城給

之陰召兵兵既集以巨礮擊文選營文選不能支且糧
匱乃回見定國於孟良定國曰曩不用吾言今仇怨已
結在內者危矣庚子九月八日與文選俱發自孟良分
道入緬定國由右文選由左期以冬會於洞武道乏糧
士馬死亡相續十月中定國至洞武見沿江多船議欲
分兵乘船渡江赴赭徑迎永明王自率兵攻阿瓦以制
緬使毋來爭其下靳統武曰分兵力單不如全力攻緬
緬破自送還吾王矣乃俱望阿瓦而進遇緬兵於瑞羊
嶽擊敗之緬城三面阻江惟一面通陸自文選還後并
鑿之引水爲湖畱隄三匝置木城其上定國抵南噶喇

見聞隨筆

卷下

奕

臨海宋氏
重梓

江爲浮橋以濟使人諭緬出永明王卽回兵緬酋不聽
乃進屯洞怕離緬城八十里文選屯象腿離緬城百一
十里緬人於木城之外更立木城出兵守之明日木城
兵復前另立木城以守城內復出兵守舊木城步步而
前漸與定國營相近乃大出兵與定國戰前隊皆象定
國戰不利趣文選赴援合力死戰大敗緬兵天炎土渴
不能追緬仍入城以守定國獲緬目不殺善待之諭令
還永明王終不聽謀渡江向赭徑前洞武船皆已藏匿
使其下赴馬得狼井角造船其下自相攻殺俱出降復
使人守江橋亦皆焚橋走定國計益窮五月緬酋弟弒

其兄自立盡殺從官馬吉翔等四十二人定國以十六舟渡江擊緬不勝覆其五舟八月十八日與白文選俱引還洞武五日至黑門坎文選軍在後其下勸之分兵出雲南且以賀九義事動文選遂引而北定國覺使其子嗣興隨文選以觀去向文選部下勒兵回向嗣興嗣興怒欲勒兵迎之定國遽使名嗣興還曰吾弟兄數十人今惟存若與吾耳何忍更相戕吾前所以使爾隨之者冀其悔而復回仍與吾併力也旣勒兵相向念已絕矣任彼所之吾自盡吾事可耳遂率所部東向九龍江而進文選北行遇吳三省留屯錫泊大兵至復走茶山見聞隨筆

卷下

卷

臨海宋氏
重梓

馬寶等追及之遂出降而緬亦竟獻永明王於軍前定國在九龍江聞報東走景線壬寅五月至猛臘士馬死亡日衆定國乃置醮自述生平所爲如天命已絕願速死毋徒苦衆人未幾而雲南四月二十五日之信亦至定國遂病以六月二十七日卒於軍八月子嗣興自慢怯降與劉文秀子震艾能奇子承業俱入京受世職孫可望死其子襲王封一代後亦降爲公

